

Ἡμερομηνία ἐκπομπῆς 21-12-61 (ταινία 19)

..... ~~ΣΣΣΣ~~

1.-

" Ἀπό πέσ'σὸ Χαφί-νιοῦν "

Ἀπό πέσ'σὸ Χαφί-νιοῦν καί μέ τὰ δάκρυα ἐδέβα,
τῇ Ζύγανας καί τὸ ραχίν ταρχάλιαν ἐπιδέβα.

Ταρχάλιαν πορπατῶ ἐγώ, σὴν δύσαν ταραμένος,
τὰ δάκρυα σ' ὀμματόπα μου, ἄμον σασιρεμένος.

Τ' ἄρνι μ' ἐφυχομάσινεν καί φῆν ἐπαροδιῶνεν,
μέ τ' ἀγγέλτς ἐποούσευεν κι' ἐμέν ἰσμάρ' ἐποῖνεν.

2.-

" Καρδεφόνα "

Ναί φόνα-φόνα, κὸρ' καρδεφόνα,
μενεῖς καί φέρτς με κι' ἀπέσ' κι' βάλτς με,
κι' ἀπέσ' κι' ἄν βάλτς με, κάθια κι' λές με.

Κάθια κι' ἄν λές με, σκαμνὶν κι' θέκς με,
σκαμνὶν κι' ἄν θέκς με, τραπέζ' κι' στρώντς με,
τραπέζ' κι' ἄν στρώντς με, φαῖν κι' φέρτς με.

Ναί φόνα-φόνα, κὸρ' καρδεφόνα,
κι' ἀπέσ' κι' ἄν βάλτς με, μένον κι' λές με,
μένον κι' ἄν λές με, κρεββάτ' κι' στρώντς με,
κρεββάτ' κι' ἄν στρώντς με, μαναχόν θέκς με.

3.-

" Ἀνάθεμά σε ναί Κουπάν "

Ἀνάθεμά σε ναί Κουπάν ἐσέν καί τὰ γιαζία σ',
ἐνθύμιον ἐφένα σε τ' ἐμά τὰ τραγωδίας.

Τσόλ κι' ἔρημα νά γίνετανε, Κουπάνι μ' τὰ γιαζία σ',
ἄς σ' ἄρνι μ' ἐπεχώρτσες με καί κλαίω ἀπὸ καρδίας.

4 τον π' ἔχτιζεν τῇ ξένητειᾷς τό δρόμον,
Ρωμαῖος πὰ ἄν ἔτονε, νιά Πίστ' εἶχεν, νιά Νόμον.

4.-

" Ἀνάθεμά σε κεμεντσέ "

Ἀνάθεμά σε κεμεντσέ ντό καλατσεύ' καί λές με,
περμέντς ἐσύ τόν θάνατον μ', νά κάθεςαι καί κλαῖς με.

Ἀοῦτ' τό κεμεντσόπο μου, νά ἔτον ἡ κασέλα μ',
κι' ἀτό τό λεγνόν τό τοξάρ' νά ἔτον ἡ παντέρα μ'.

Ἀνάθεμά κι' ἀνάθεμά τῇ κεμεντσές τὰ κόρδας,
ἐφτάνε με καί λάσκουμαι μεσανυχτί σά πόρτας.

5.-

" Ἀχ μερακλὶν "

Οὔ ν' ἀηλί ἐμέν ν' ἀηλί, τό καρδόπο μ' πῶς πονεῖ,
πονεῖ καί πολλά βρουλίζ' σὴν σεβτάν κι' ταγιανλίζ'.

Τὰ νεόττητα τ' ἐμά, φαρμάκια ποτίζ' ἄτα,
τὴν τύχη μ' ἀνάθεμά, τόν χάρον θά δίλγ' ἄτα.

Ἀνεῖ πέραν ἔστεκεν, τὴν κάλτσαν ἄτς ἐπλεκεν,
εἰπ' ἄτεν ἐλ' ἄδοκιά, ἡ καρδία μ' νά γελαῖ.

Ρεφραίν.....

Ἀχ, ἄχ μερακλὶν, ἔφαγα καί τῇ ζωῇ μ',
ἔφαγα καί τῇ ζωῇ μ' γιὰ τ' ἐσέν μικρόν ἄρνι μ'.